

საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი

ბრძანება №01-02/50

27 მაისი, 2020 წ.

ქ. ბათუმი

ახალი კორონავირუსის გავრცელების თავიდან აცილების
სამოქმედო გეგმის აღსრულებისათვის დამატებით გასატარებელი
ლონისძიებების შესახებ

„უმაღლესი განათლების შესახებ“ საქართველოს კანონის 22-ე მუხლის, „განათლების ხარისხის განვითარების შესახებ“ საქართველოს კანონის, ბსუ-ს წესდების მე-13 მუხლის, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“, ბსუ-ს აკადემიური საბჭოს 2018 წლის 20 თებერვლის №23 დადგენილებით დამტკიცებული „გამოცდების ჩატარების ინსტრუქციის“ საფუძველზე, „ახალ კორონავირუსთან დაკავშირებით პრევენციულ ღონისძიებათა განხორციელების წესის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2020 წლის 27 თებერვლის №296 ბრძანების, „ქვეყანაში კორონავირუსის გავრცელების თავიდან აცილების მიზნით პრევენციული ღონისძიებების განხორციელების შესახებ“ საქართველოს მთავრობის 2020 წლის 02 მარტის №434 განკარგულების, კორონავირუსული ინფექციების შესაძლო გავრცელების აღკვეთის მიზნით ბსუ-ს პერსონალის სამსახურში გამოცხადებასთან დაკავშირებით გასატარებელ ღონისძიებათა შესახებ“ ბსუ-ს ადმინისტრაციის ხელმძღვანელის 2020 წლის 13 მარტის N01-10/37 ბრძანების, „ბსუ-ში 2019-2020 სასწავლო წელს გაზაფხულის სემესტრის სასწავლო პროცესის ორგანიზებულად ჩატარებისათვის გასატარებელი დროებითი ღონისძიებების შესახებ“ ბსუ-ს რექტორის 2020 წლის 16 მარტის №01-02/35 ბრძანების, „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოს მთავრობის 2020 წლის 23 მარტის N181 დადგენილების, „საგანგებო მდგომარეობის მოქმედების პერიოდში საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 31 მარტის N205 დადგენილებისა და სახელმწიფო ინსპექტორის სამსახურის რეკომენდაციების (MES 520 00322223, 31.03. 2020), „საგანგებო მდგომარეობის მოქმედების პერიოდში ბსუ-ში სასწავლო პროცესის განხორციელების დამატებითი ღონისძიებების შესახებ“ ბსუ-ს რექტორის 2020 წლის 31 მარტის 01-02/39 ბრძანების, 2019-2020 სასწავლო წლის გაზაფხულის სემესტრში ბსუ-ში ელექტრონული სწავლების ადმინისტრირების წესის დამტკიცების შესახებ“ ბსუ-ს რექტორის 2020 წლის 6 აპრილის N01-02/42 ბრძანების, „სამუშაო ადგილებზე ახალი კორონავირუსის (COVID 19) გავრცელების თავიდან აცილების მიზნით რეკომენდაციების დამტკიცების თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 4 აპრილის N01-149/ო ბრძანებისა და საქართველოს განათლების, მეცნიერების, კულტურისა და სპორტის სამინისტროს გზავნილის (უმაღლესი საგანმანათლებლო დაწესებულებების ლაბორატორიებისა და საგამოცდო ცენტრების ფუნქციონირებასთან დაკავშირებით გაცემული

რეკომენდაციების შესახებ), „ახალი კორონავირუსის გავრცელების თავიდან აცილების სამოქმედო გეგმის დამტკიცების შესახებ“ ბსუ-ს რექტორის 2020 წლის 19 მაისის N01-02/47 ბრძანების, „საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 22 მაისის №321 დადგენილების და „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის №322 დადგენილების საფუძველზე

ვ ბ რ ძ ა ნ ე ბ:

1. ბსუ-ს რექტორის 2020 წლის 19 მაისის N01-02/47 ბრძანებით დამტკიცებული „ახალი კორონავირუსის გავრცელების თავიდან აცილების სამოქმედო გეგმის „საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 22 მაისის №321 დადგენილების და „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის №322 დადგენილების მოთხოვნათა გათვალისწინებით აღსრულებისათვის გატარდეს შემდეგი ღონისძიებები:
 - 1.1. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შემოწმების საფუძველზე შესაბამისი მითითებების/რეკომენდაციების დაცვით, პრაქტიკული და ლაბორატორიული მეცადინეობების, ასევე 2019-2020 სასწავლო წლის გაზაფხულის სემესტრის დასკვნითი გამოცდების არადისტანციური ფორმით, ბსუ-ს რექტორის 2020 წლის 19 მაისის ბრძანებით დამტკიცებული ბსუ-ს სამოქმედო გეგმის მე-4 მუხლის („ზოგადი რეკომენდაციები ბსუ-ს ლაბორატორიებისა და შიდა საგამოცდო ცენტრებისთვის“) შესაბამისად ჩატარების საჭიროების შემთხვევაში, შესაბამისი სასწავლო კურსის განმახორციელებელი ფაკულტეტის დეკანმა აქტივობის დაწყებამდე არაუგვიანეს 10 დღისა სამსახურებრივი ბარათი წარუდგინოს რექტორს (უნდა მიეთითოს საგანმანათლებლო პროგრამა, სასწავლო კურსი, განსახორციელებელი აქტივობა და მისი განხორციელების ვადები);
 - 1.2. ბსუ-ს სტრუქტურულმა ერთეულებმა უზრუნველყონ დაკისრებული ფუნქციამოვალეობების დისტანციურად შესრულება, რამდენადაც შესაძლებელი იქნება სამუშაო სპეციფიკის გათვალისწინებით (გადაწყვეტილება აღნიშნულის შესახებ მიიღონ სტრუქტურული ერთეულების უფროსებმა (დამოუკიდებელი სამეცნიერო-კვლევითი ინსტიტუტის დირექტორი, ფაკულტეტის დეკანი, დეპარტამენტის/სამსახურის/განყოფილების უფროსი));
 - 1.3. ბსუ-ს დასაქმებულები სამუშაო ადგილებზე დაიშვან შესაბამისი სტრუქტურული ერთეულების უფროსების მიერ განსაზღვრული განრიგით (ყოველ პარასკევს ადმინისტრაციის ხელმძღვანელს/რექტორს წარედგინოს შესაბამისი სტრუქტურის პერსონალის სამუშაოზე გამოცხადების მომდევნო 1-კვირიანი განრიგი, დაცვისა და უსაფრთხოების განყოფილებისათვის გადასაცემად). გარდა წინასწარ

განსაზღვრული განრიგისა, დასაშვებია დასაქმებულის სამუშაოზე გამოცხადება კრიტიკულად მნიშვნელოვანი აუცილებლობის შემთხვევებში (წინასწარ უნდა შეთანხმდეს სტრუქტურული ერთეულის უფროსთან).

2. ეთხოვოს რექტორის მოადგილეს (თ. სირაძე) რექტორის ბრძანებით დამტკიცებული სამოქმედო გეგმით გათვალისწინებული აქტივობებისა და წინამდებარე ბრძანების 1.1. პუნქტით გათვალისწინებული აქტივობის ფაკულტეტების მიერ აღსრულების შესრულების კონტროლი.
3. ეთხოვოს ადმინისტრაციის ხელმძღვანელს დაცვისა და უსაფრთხოების განყოფილებისა და დასუფთავების განყოფილების მიერ რექტორის ბრძანებით დამტკიცებული სამოქმედო გეგმით გათვალისწინებული აქტივობებისა და წინამდებარე ბრძანების 1.2. და 1.3. პუნქტით გათვალისწინებული აქტივობების აღსრულების კონტროლი.
4. ბრძანება გასაცნობად და აღსასრულებლად დაეგზავნოს ბსუ-ს მართვის ორგანოებს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, დამოუკიდებელ სამეცნიერო-კვლევით ერთეულებს და ყველა დამხმარე სტრუქტურულ ერთეულს.
5. ბრძანება ამოქმედდეს ხელმოწერისთანავე.
6. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).

რექტორი, ასოცირებული პროფესორი



მერაბ ხალვაში